




Ikorfartuisutut /supervisor ilinniartitaaneq 2025-2026





Imarisai:

Allanik ikorfartuineq, siunnersuineq ilitersuinerlu suliavit ilagippatigit – imal. siunissami taamaattunik suliaqarisinnaanissamat piginnaangorsarusukuit, ikorfartuisutut ilinniartitaaneq SIF-imit neqeroorutaasoq ilinnut naleqqussinnaassaaq.

Ilinniartitaanermi tassani, oqaloqatigiinnerni oqaluussanni pingaarutilinnik- ilaatigullu ajornakusoortunik atugalinnut ataqatigiissaarisuuneq iliniassavat. Inunnik ataasiakkaanik oqaloqateqarnernut eqimattanillu oqaloqateqarnernut tunngatillugu piginnaasatit nukittorsarneqassapput.

Tunuliaqutaasoq siunertarlu:

Ikorfartuisutut ilinniartitaaneq, inuup nammineq avatangiisaasalu oqaluttuassartaannik tunngaveqarnermik isumaliutersuummik allaaveqarpoq ilinnullu ikorfartuinermik, ilitersuinermik siunnersuinermillu suliassalimmut, imal. ikorfartuisinnaanissamik kissaateqartumut sammititaalluni.

Inuup nammineq avatangiisaasalu oqaluttuassartaannik tunngaveqarnermik isumaliutersuut; oqaatsit, attaviit oqaluttuallu pillugit nukittuunik isumassarsiassaqqarpoq. Periutsit ajornartorsiutinut iliniagaqassutsikkut aaqqissuussaannikkullu ajornartorsiutit aaqqiiviginissannut periarfissanik arlalippassuarnik tunisipput.

Atuagarsornikkut paasisat sulinermilu piginnaasat eqaatsumik atorsinnaalernissaat anguniagaavoq. Ilinniartitaanermi ataasiakkaanik eqimattanillu ikorfartuineq piginnaaneqarfigilissavat.

Ilinniarninni makku aamma piginnaaneqarfigilissavatit:

- Eqimattami toqqammavissiineq isumaliulersitsinerlu
- Naleqartitanik, piginnaasanik, neriunnermik allanillu pingaarutilinnik sammisaqarneq
- Apersueriaatsit ajornartorsiut pillugu oqaluttuami ikersinernik pilersitsisartut
- Marloqiusamik naalaarneq- taamaalilluta ataatsikkut ajornakusoortortaanik inuillu ataasiakkaat akerliliinerannik naalaarsinnaanngorluta
- Sammisanut ajornartorsiutinullu assigiinngitsunut iliniagaqassutsikkut naapertuuttunik isiginnilersitsinissamat ikorfartukkamik tapersersuineq.



Ilinniartitaninni makku paasisimasaqarfigilissavatit:

- Illit nammineq inuunerpit oqaluttuassartaasa ikorfaruinermi isumaat/pingaaruteqarnerat
- Illit nammineq nukittuffitit unammilligassatillu
- Pingaarutilinnut nikassarneqarnermik oqaatiginnittunut qanoq iliuuseqarsinnaaneq
- Illit nammineq nalaatatit sakkortuut imal anigoruminaatsut taakkulu oqaluttuat sanngiiffiusut qanoq naalaarnerinut pingarutaat.

Isumaliutersuut periuserlu:

Oqaluttuarnikkut inuunerup isumaqalersarnerata, takusinnaasamit allaasunik oqaluttuassaqartuaannarneranik paasinnineq nassataraa. Oqaluttuanut tunngatillugu tunngaviusumik isuma tassaavoq; ajornartorsiutip nammineq ajornartorsiutaanera taamaammallu inuit oqaluttuanik ajornartorsiutinik ulikkaartunik nassuiarneqarsinnaannginnerat, aammali inuunerisimasamik misilittakkanillu, sulii isumalerneqanngitsunik nassuiarneqarsinnaanerat.

Taamammat ikorfartuinermi/supervision, ajornartorsiut pillugu oqaluttuamik aallaaveqartumi misilittakkanik, naleqartitanik neriuutinillu oqaluttuarnissaq pingaaruteqarportaaq. Taakkuttaaq eqqumaffigineqarnerisigut oqimaaqatigiisitsisoqarsinnaallunilu kisaatigisamut samminerusunik nutaanik periarfissiisoqarsinnaavoq.

Suulluunniit ataqatigiinneranni, paasinninnerullu ataqatigiinnikkut pinngortarnerani; oqaatsit, attaveqarnek assigiinngissutsit ataqatigiinnerlu pingaartinneqarput. Suulluunniit ataqatigiinneranni, paasinninnerullu ataqatigiinnikkut pinngortarnerani tunngaviusumik isuma tassaavoq; suut tamarmik imminnut ataqatigiinnerat, arlaatigullu allanngortoqarpat tamakkiisumut sunniuttusnaanera. Taamammat eqimattani / suliffimmi inuit assigiinngitsut imminnut qanoq sunniivigeqatigiittarnerisa, allatut iliornikkut qanoq ilillutik ajornartorsiummik aaqqiisinaanerisa ikorfartuinermi paasisinnaanissaa iluaqutaassaaq.

Ilinniartitseriaaseq:

Atuagarsornikkut saqqummiussinerit, oqallinnerit, sungiusarnerillu pingaartillugit modulit aaqqissuussaapput. Ilinniartitaaneq tamakkerlugu atuagarsukkat sulinerlu imminnut attavilerneqartassapput, taamaalilluni inimi ilinniartitsivimmi ilisimalikkat, peqataasut namminnek suliffimmini suliaannut tamatigut atassuserneqartassallutik.



Peqataassagaanni piunasaqaatit:

Ilinniartitaanermi ilinnialersinnaasut tassaapput; ilinniartitaanermut peqqinnissamullu tunngasumik qaffasissumik akunnattumik sivilissussusilimmik ilinniagallit imal. sivilissuumik qaffasissumik ilinniagallit- soorlu perorsaasut, ilinniartitsisut, inunnik isumaginninnermi siunnersortit, peqqissaasut, meeraaqqerisut. Ilinniakkap saniatigut, ilinniakkamut tunngasumik sivikinnerpaamik ukiut pingasut, misilittagaqassapput.

Ilinniaqatigiit sungiusaqatigiillu:

Modulit akornanni ilinniaqatitillu naapeqatigiittassaasi ikorfartuineq/supervision sungiusarlugu najoqqutassatullu atuakkat oqallisigalugit.

Sungiusaqatit peqatigalugit- soraarummeernissamut tunngavissatut- minnerpaamik pingasoriarlutit ikorfartuissaatit.

Sivilissusaa

Ilinniartitaaneq ukiup appaa affaanik sivilissususeqartoq, modulinit arfinilinnut- tamarnik ullunik tallimanik sivilissususeqartunut- agguagaavoq. Nuummi Peqqissanermik ilinniarfimmi ilinniartitsineq; ullut tamaasa sapaammiit sisamanngornermut nal. 09.00-16.00 ingerlanneqassaaq.

Modulit nassuiaatitaat

Moduli siulleq

21.-25. september 2025

Modulimi siullermni immitsinnut ilisarinnissarput, ilinniartitaanerup qanoq aaqqissuussaananerata nassuiarnissaa peqataasullu ikorfartuinerup /supervision misilittagaannik tusarfiginissaat pingaartipparput. Tamatuma saniatigut suulluunniit ataqatigiinneranni, paasinninnerullu ataqatigiinnikkut pinngortarneranik isummami oqaluttuanilu, ilinniartitaanerup atuagarsornikkut aallaavigisaani, isummat pingaarnerit saqummiunneqassapput.

Tamatuma saniatigut ikorfartuinerup/supervision nassuiarnissaa sammissavarput– ikorfartuinerup suna ilisarnaatigaa, qanorlu ililluta periutsinut allanut ikorfartuinerup/supervision assingusunut- soorlu katsorsaanermut, siunnersuinerup siunnersorneqarnermullu tunngatillugu sapinngisamik pitsaanerpaamik akuleriissitsinaveersaassaagut. Ikorfartuinerup aallartitsinissamut tunngatillugu isummersuutit isumassarsiasallu kiisalu maluginiagassat sammissavagut.



Modulimi ilissi nammineq inuunissi oqaluttuassartaa iserfigissavarput ikorfartuisutullu sulinissassinut tunngatillugu qanoq isumaqarnera sammissallugu.

Modulit aappaat

9.-13. november 2025

Modulit aappaanni naalaarneq aperisarnerlu sammissavagut. Ajornartorsiummut ikorfartorniakkap ikorfartorneqarnissaminut kissaatigisaanut apeqqutinik toqqaaniarnermi periarfissat amerlapput. Oqaluttuariaatsit oqaluttuarerusunnerusanullu aqcutissat assigiinngitsut, ikorfartukkamut sulinermi nukissanik nutaanik pimoorussinermillu tuniseqataasinnaasut sammissavagut.

Oqaloqatigisannut ajornartorsiutip oqaluttuassartaanut nutaanik periarfissiinissamut pingaarutilimmik, maannamut ajornartorsiummit asserneqarsimasumik takunnissinnaalernissamut qanoq ikiuussinnaanerit sammissavarput. Tamatuma saniatigut sapinggisamik pitsaanerpaamik ikorfartukkap inuttut nammineq oqaluttuassartaata katsorsaarnermut pulanani sammineqarsinnaanera ukkatissavarput.

Modulit pingajuat

11.-15. januar 2026

Modulit pingajuat ikorfartuinermi peqataasunik atuinerlut tunngassuteqarpoq. Qanoq ililluta peqataasut allat, ikorfartorneqartup ilisimasaanut misillitagaanullu ikorfartuutaasumik, suleqataalersissinnaavagut, tamatumalu peqatigisaanik periarfissanik allanik tikkuussinissaannut periarfissillugit? Tamatumani eqimattamik aallartitsineq peqataaffianillu qulaajaaneq pingaaruteqarpoq. Naalaarneq, apersuineq isumaliutiginninnerlu nikittaallugit aqqissuussamik isumalioqatigiissitat, naliliinani nersuinanilu oqaluttuamik/iliuutsimik maluginiaaneq taallatullu oqatiginninneq pillugit isummat saqqummiuneqarlutillu sungiusarneqassapput.

Oqaloqatigiinnermi arlallinnik oqaaseqartoqarniarpat, taamaammallu ataasiakkaanik ikorfartuinermit paasilertoruminaannerusuni ataqatigiissaarisuussagutta, ikorfartuisutut piginnaasat atorsinnaasagut sammissavaguttaaq. Qanoq ililluta nalorninata ikorfartuineq siunnerfiusumut ingerlatissavarput, tamatumalu peqatigisaanik eqimattami pisut ammaffigalugit?



Modulit sisamaat

19.-23. april 2026

Modulit sisamaanni; assersuutit, assit pinnguarnerrullu oqaluttuanik allanik periarfissanillu pilersitseqataasinnaanerat sammissavarput. Isumassarsiullaqqissutsip ikorfartukkap imminut- naleqartitanilu pillugit ilisimasaanik nukittorsaasinnaanera sungiusassavarput.

Alattarfissuarmik assigiinngitsutigut qanoq atuisinnaanerput, tamatumunngalu atatillugu toqqaanitsinnut tunngatillugu suut maluginiarnissaat sammissavaguttaaq.

Modulimi uagut nammineq pilluta oqaluttuagut kinaassutsitsinnillu inerniliinigit ukkanneqassaputtaaq. Inerniliinerit taamaattut ikorfartuinermi imminnut qaaqqusinnaasarnerat, uagullu nammineq immitsinnut oqaluttuatta sunniutaat, ikorfartuinermit ajoqutaaqqunagit, qanoq ililluta maluginiarsinnaanerata sammissavagut.

Modulit tallimaat

13.-17.september 2026

Modulimi tassani maluginiagassat pingaarutillit, ilinniagalimmik sulinermini sakkortuunik nalaatsisimasumik ikorfartuinissatsinni nakkutigisassagut sammissavagut. Nalaatanut anigoruminaatsunut - atuagarsornikkut periutsit taakkunangalu paasinnittariaatsit assigiinngitsut aallaaviussapput.

Timi- timikkullu malugisat qisuariaatillu qitiutissavagut, ikorfartuinerullu ilungersualersarnermut/stress nukissaarunnermullu tunngatillugu pitsaaliuutaasinnaanera sammissavagut. Uagut nammineq ikorfartuinitinni qanoq pissuseqarnitta iliuuseqarfigisinaanera ikorfartuisutullu uagut nammineq eqqarsartaatikkut qanoq innitta sapinngisamik pitsaanerpaamik nakkutigisinaanissaa saqqummiutissavarput.

Modulit arfernat

29. november-3. december 2026

Ilinniartitaaneq naggaserlugu peqataasut, pingasut sisamallu akornannik quppernilimmik, nammineq ikorfartuisuulluni ikorfartuineq pillugu isumaliutersuummik nalunaarusiussapput.



Nalunaarusiaq, modulip ingerlanneqarnissaa sap. ak. pingasunik sioqqullugu ilinniartitsisunut tunniunneqassaaq.

Modulit naggataanni matumani, peqataasut immikkut tamarmik nammineq ikorfartuinermit videomik nassataqassapput, tassannga minutsinik 15-inik sivisussusilik takutinneqassaaq, taannalu ataatsimoorluni isummersorfigineqassalluni. Ilinniartitaanermi ilikkakkat ukkanneqassapput. Tamatuma saniatigut peqataasut ikorfartuinerminni periusererusunnersaat siunissamilu sumi ataasiakkaat ikorfartuisarnissaat ukkanneqassapput.